

西南史地文獻

第十卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第十卷

甘肅省古籍文獻整理編譯中心
中國西南文獻叢書編輯委員會
編

本輯主編：周 斌

本卷目錄

平定貴州苗匪紀略 三
〔清〕劉長佑 岑毓英纂
……………
〇〇三

本卷目錄

平定貴州苗匪紀略 三 [清] 劉長佑 岑毓英纂 〇〇三

【清】劉長佑 岑毓英纂

平定貴州苗匪紀略

三

〔清〕劉長佑、岑毓英纂，清光緒二十二年內府鉛印本，半葉七行，行二十字，四周雙邊。

劉長佑（公元一八一八至一八八七年）字子默，湖南新寧人，道光二十九年（公元一八四九年）拔貢，有《劉武慎公遺書》行世。岑毓英（公元一八二九至一八八九年）字顏卿，廣西西林人，秀才出身，有《岑襄勤公遺集》傳世。

此書係詳細記載清咸豐（公元一八五一至一八六一年）年間鎮壓貴州苗民起義的官撰史書。

欽定平定貴州苗匪紀略卷二十一 戊辰年

四月二十日

戊戌

劉崐奏言張臭迷等股苗匪自

正月擊退後仍糾約大股窺伺沅麻以撓我入

黔各軍之後二月十三至二十等日節次撲犯

晃州邊界均經署晃州廳通判馬象乾會同李

光燦等營擊退十五日賊由大紅山竄至沅州

所屬之土橋道員鄧子垣率隊迎擊陣斬二三

百人我勇陣亡七人十七日賊分圍大江坪壘
及呂洲德營盤官軍力戰解圍陣亡弁勇四十
二人十八日賊從黃板橋直撲近城之黃甲街
鄧子垣分派各營列陣抵禦賊分三路猛撲我
軍拚死衝殺無不以一當十鏖戰至四鼓後賊
始退竄約計斃賊六七百人陣亡弁勇二十七
人沅州府城幸獲解嚴賊之另股復由漾頭司

下竄麻陽十九至二十一等日署麻陽縣知縣
吳兆熙會合遊擊艾憲銀都司湛建勳等截之
於皮沖土崗姚家莊一帶先是席寶田攻克轎
頂山後卽率所部回駐石阡料理進規苗巢十
三日行抵花轎聞苗逆分數路出擾楚境當飭
屈得茂魏玉彩率隊向漾頭司進發探悉賊向
麻陽一路竄去屈得茂卽沿河躡之席寶田料

麻城地阻大河賊黨不能逞志必且折趨昭田
殺牛坪覓路歸巢乃躬率八營進宿施溪復派
榮維善唐本有率五營馳赴殺牛坪周家良率
三營駐昭田截賊去路二十二日榮維善等遇
賊於三角潭賊負嵎抗拒我軍冒險攀躋槍斃
賊數十名賊飛奔下山梟水逃逸我師乘之立
斬紅衣悍賊二十餘名餘賊由柵木坪翻山狂

竄周家良等自昭田橫出截擊十餘里田坡山
澗盡爲屍填零星殘匪復爲鄉團殺淨盡二
十四日席寶田移師沅州賊由江西街渡河圖
擾會同洪江爲龔繼昌謝蘭階所扼徘徊冷水
溪羅巖江一帶席寶田督同唐本有等四路環
擊斬首六百餘級殺賊千餘奪馬二十六匹苗
槍五六百桿我軍陣亡三人該逆輜重器械盡

爲我有署鎮遠府知府吳自發沿途邀擊斬獲亦多三月初七初八等日復有龍僞元帥率苗匪二千餘人竄至冷水溪等處席寶田派榮維善等分路圍剿盡殲其衆沅州一路肅清而黎平府屬逆苗復熾席寶田令謝蘭階龔繼昌率六營會同戈鑑等軍前往剿辦三月十二日謝蘭階戈鑑先至黎平據報南路潘張二逆盤踞

巖洞層層設卡備禦甚堅謝蘭階等會商以戈
鑑督親兵並勁字一營由大路直攻賊卡謝蘭
階督親兵並張宜道一營由新洞越嶺包巖洞
村寨之後蘇元章李華貴各率部勇由新洞出
巖洞之左分布已定戈鑑激勵將士連破二卡
斃賊十餘人賊退守三卡仍敢抵死抗拒謝蘭
階張宜道由村寨後入賊駭愕驚潰戈鑑乘勢

疾進賊紛紛敗竄蘇元章李華貴抄出兜剿追殺七八里斃賊二百餘名生擒九名維時永從一股意圖下犯東路牽掣官軍謝蘭階戈鑑卽進軍加杓會合龔繼昌相機迎剿仍令勁字營拔回黎平以顧城防其下游苗匪俟黎平之賊擊退調回謝蘭階三營席寶田卽督率全部先剿寨頭破其堅巢則其餘自迎刃而解奏入

上命軍機大臣傳諭劉崐曰分犯晃州沅州麻陽等處
苗匪經該處文武各員並席寶田所部分路堵擊力
加勦洗疊獲勝仗殲斃極多著劉崐卽飭令席寶田
等軍將黎平苗匪速行擊退進勦寨頭並其餘苗巢
務期悉行殄除毋任牽掣援軍西進之路

閏四月十七日 甲子 兼署四川總督成都將軍崇

實奏言本年四月閒四川知府唐炯等合攻貴